

《中國地方藝文薈萃》編輯委員會 編

學苑出版社

中國地方藝文薈萃

第一輯 地方文獻



華東卷·第七輯  
陸

中國地方藝文薈萃

《中國地方藝文薈萃》編委會  
編

貴州師範學院內部使用



續甬上耆舊詩四十卷（三）

貴州师范学院内部使用

續甬上耆舊詩四十卷（三）

（清）全祖望輯

據清雙韭山房鈔本影印

續甬上耆舊詩卷之十五

實藉軒兄弟之一

董孝廉允瑄

董孝廉允瑄字在中學者稱為奉銘先生徵君德偁長子也少有才已而折節講學庚寅辛卯之間燕人梁職方公秋來薊寧因燕集歎曰甬上良多才然未有如萬董二家子弟之盛者時萬氏兄弟八人而公擇允宗季野雄視講社先生兄弟四人推先生與少弟吳仲時人為之語曰三萬能。二董雍。先生潛心理窟築事天堂以自矢讀書眼光突出客至席前不知也手抄宋元明諸儒書參考其言而躬行之其尊道集自序曰予自庚寅即有志聖學所恨生晚不得親炙諸大儒自是每遇諸大儒之言即書諸

紳如臨父母。昨歲失怙，又遭多難，荼苦畢嘗，自念諸大儒  
際此當奈何，乃發所藏精思，嘿討渙然，有會于心，特為編  
纂次第，若親承提命者，衆非突之不碩，即醜媿不屬，不旦  
夕間也。其刻厲如此，已而梨洲先生講學甬上，先生從之，  
稱高座，然予觀先生所取舍，亦與梨洲有不同者。梨洲于  
節濼，渠頽山農林三教，葦雖不甚許，然皆有取于其言。先  
生則力斥之，以為無忌憚之尤。蓋梨洲意在博采其長，而  
先生防其流弊，所謂善學柳下惠者，莫如魯男子也。康熙  
乙酉貢試禮曹丙辰，西征奏凱，進平涼頌，有詔付史館。  
其家風微君愛其諸弟，先生事之如父，其于宦從如同產。  
孺人徐氏為御史殿臣愛女，裝極盛，頌能不挾富貴體先生之孝友。

而先意承之其奉甘旨以進寔有曾子之孝養父之風  
非徒以口體徵君嗜客四方過從之士如雲一日樽中酒  
竭則攢眉孺人見之輒百方致酒兼以時味貢之蓋先生  
善事徵君而委曲將順皆出孺人非先生不知所從來也  
同社陳明經夔獻亦最孝嘗在先生坐次忽曰頃見江上  
石首魚船已到矣孺人在房中聞之遽脫簪珥市魚至及  
進饌夔獻沉吟不食先生怪問之曰此為君而設也夔獻  
曰吾母未嘗何敢先食孺人遣赤脚婢出曰適市三尾一  
已進堂上一已送至陳相公家為太母膳矣此其餘也夔  
獻亟下拜曰有是哉嫂氏錫類之仁也已而孺人所有既  
罄冬日衣大布晚無重衾然無怨色論者以為難能云先  
生所著奉銘堂集清華典瞻臺閣之音也惜其殘斷不完

其事天堂尊道錄尤有功于儒林長子元音孝友如其父  
別有傳

先生雄于古文其語病一篇最為奇警論學之文  
顧不流于迂腐斯為橫浦諸公所不逮也其詞曰  
高樓乘風爽氣四奏董子倦吟隱几北牖蝴蝶莫  
來風聲若扣不旦于觴胡醒而晝掩閤杜人汗蒸  
衾覆道與心肥魔隨身瘦忘厲暑者旬有三日焉  
問之則入秋四日矣神明歸舍耳目廓然起就巾  
履呼病而告之曰若乃病予者乎則應曰否、我  
之為我初無定居徜徉恍忽體物不遺日見先生  
槁木彊梁支離鼓兌逞其情才精內神外予因過  
而訪焉敢曰病乎余咤曰客所謂前倨而後恭者

非耶余夙曩求子於六神之府神府曰無又求子於穹明廬穹明廬曰瞳乎余焉取冠焉而蔭露之乎乃循於毛際測於膚洽汝方進退响沫於其間夫人之有病匪降自天亦曰天只病非偶然譬之日食春霜秋雪降戒下民俾民蠲德自予之獲聞道也終日坐而行而起若有思若無所思足不履非禮之地日不曼非義之書將謂與子緣慳分疏畫而不即秦關越儒子惠碩我出何之途雖然自子之來病自己責敢子告尤厥惟子愿子幸去我無以袒子將使子往無何有之鄉予自安莫之岐之宅其可乎病曰唯、褰衣踞疾起下塔趨風忘其行李取而視之中有素書其所至止者蓋數百

餘族焉其綱曰驕曰傲目曰維驕與傲客氣尚主  
將餘與子虛浮而狂躁曰淫曰貪鳩毒是就不知  
雞犬其心將與之外強而中乾曰鄙曰俗罔或克  
知爾介福垢穢糞芝蘭臭慕其馥將與子拂僂而  
瞽惑曰奸賊曰陰刻曰狠戾曰暴逆一嘗之警厥  
隅再嘗之警厥區三嘗之火諸水諸燥諸溫諸良  
造化之能而肆誅予坐駭側呼病而還之往奉天  
則毋曠于爾職餘則乞取而焚旃使天下之民舉  
安

題謝臯羽晞髮集

舊解以楚詞咸池為義今以集中古歌嘆正之

廣陵瓊花死亦奇二十四橋明月知東嘉拾得兩函骨燐

火但鑄羊馬月吉水相公今曷存海濶天空浪打門東望  
不見西傷神了、書生投何人長歌欲歌唾壺缺短歌未  
成竹節折狂走大風地血風腥一字文章嚼寸鉄人言晞  
髮本咸池此廟特寄髮奚為拾得慈陵獻陵物此心公後  
知者誰濯向蘭亭水鳴咽燭龍照燿黃金私謝氏不書兩  
冬青零山不死文山生只今草木多揺落誰是飛瓊一片  
情

同會稽俞子將登天封塔

古塔勢雄哉。凭臨接上台。猶然董子國。何處越王臺。宇宙  
心俱曠。山川首重回。蘭亭詞賦客。渾欲勝鄒枚。  
大塊荒。白。暹。山。矗。青。滄。瀛。涵。渾。浩。日。月。浴。精。靈。尺。五。  
開闔闔塔前列。緯星何時標地軸。天福峙遺銘。

鳥道雲歸處烟霞知更深有心凌碧落無計滌塵襟山色  
宜仙迹江流耿客心聲聞都寂莫磬裡雜餘砧  
對此茫茫者森然萬感新瘡痍今世界歌舞舊時人閑閱  
多懸劍松槐半付薪太平應有色額手問高旻

過輝縣贈夏峰孫先生

一卷書懸牛角耕凶名無那世間名君耽泉石眠方穩人  
惜龍鰲夢未成嵇阮之流千派異許姚而後一燈明從今  
吾道知宗匠豈比當年長嘯生

晨起

暑月得涼曉殊勝未暑時亂雲分黛嶽初日出金池草木  
妍如笑圖書靜可怡無言觀象外拂、好風吹

和陸無文卜居

拔劍噫鳴砑地時蒲團斷念亦吾師從來不恋三公易此  
去惟尋四皓芝任俠、成任休事酒送窮、在為耽詩聞  
中靜會衡門咏第一工夫是樂飢

癸卯北上東話別諸子并荅陳子介眉贈詩意

癸未予新娶先君方同外舅心水先生自都南還予  
迎觀姑蘓詩別內子有別情難勝五更風之句未免  
有兒女子態今耿、不寐則猶昔也

別情難勝五更風猶記吟詩齒尚童無恙江流漁火外依  
然山色酒杯中壯心可媿凌霜鶚勁翮還迎帶月鴻自慰  
亦將張天事那堪百際集愁中

一度秋光意若何誰知北指聽驪歌寒衣珍重看針線美  
玉殷勤試切磨馬疾自逢柳色近書歸敢道朔風多憑君

慰我高堂意只當金門獻策過

燒燭幾回問夜其情添杯重覺寒宜可因國事商三策莫  
為時艱賦五噫猶是門庭來燕子不愁世路好蛾眉贈言  
多幸能相砥白雪還頌叶伯吹

發姚江次日次東閔

日前有  
虎渡河

澄江盡日浪花肥又涉雙河露始晞榜子和歌衝虎道行  
人捉鼻渡鷗磯恐妨宵卧微斟茗欲習寒威故減衣指點  
懷謝石疎林可是舊芳菲

寄子元巖

云別日已久一旦果出門出門復還語高堂慎寒温有子  
自行遠乃命婦與孫衣裳母自製反衣拭淚痕春暉長在  
望寸草寧知恩

稚子抱我頭問翁。去何為低頭。方自問反成拙言詞。摩頂令兒去。見言足三思。

減米充藥籠。百指饑未可。汝母憂我病。買藥手自果。汝藥雖在囊。我病轉增頗。吳江好山川。終朝抱膝坐。既非兒女牽。不信長眉頷。

我行有好友。足以慰汝思。汝亦有諸父。我何用憂為。所憂空倉雀。汝幼無所施。努力起晨炊。勿使大母知。

雪中有白鶴。矯厲凌霜姿。不耐拾殘粒。豈敢馱清池。忽飛天漢間。莫問何所之。君子有行役。去。愁奚為。

世路憎孤高。人情習睨眊。固知鵬背寒。不及燕語暖。生平至性交。相信出懇款。寄語阮嗣宗。慎保狂與簡。出門有以狂簡相歲

及者故之